

# Chinese New Year 2010 UniMAP

*'Crouching Tiger in Summer Spring'* Oleh : Ng Zhao Han, MPP Sesi 2009/2010

Tahun Baru Cina merupakan perayaan terpenting orang Cina bagi menyambut tahun baru dalam kalendar qamari Cina. Oleh yang demikian, program Chinese New Year 2010 UniMAP (CNY) telah diadakan pada 20 Mac 2010 bertempat di Dewan Kapitol Kangar. Program yang bertemakan "*Crouching Tiger in Summer Spring*" merupakan salah satu program sambutan perayaan kaum Cina. Objektif program ini adalah untuk merapatkan mahasiswa dan mahasiswi dengan tradisional perayaan. Program yang bermula seawal jam 8.50 malam dirasmikan oleh Y. Bhg. Brig. Jen. Profesor Dato' Dr. Kamarudin Hussin, Naib Canselor UniMAP. Program diteruskan dengan persembahan tradisional tarian singa, Chinese Zodiac 12 Drum, tarian tradisional Cina, nyanyian, tarian moden, fashion show dan sketsa. Dalam masyarakat Cina, tarian Singa

adalah merupakan sebahagian daripada tarian tradisional dalam adat warisan masyarakat Cina untuk menyambut kejayaan menghalau 'Nian' pada masa dulu. Chinese Zodiac 12 Drum adalah persembahan yang direkakan untuk program ini. Persembahan ini terdapat 12 drum mewakili 12 jenis zodiac Cina iaitu tikus, lembu, harimau, anab, naga, ular, kuda, kambing, monyet, ayam, anjing dan khinzir yang menunjukkan sifat-sifat yang baik. Seterusnya program diteruskan dengan nyanyian lagu CNY dan tarian tradisional yang dipersembahkan oleh pelajar antarabangsa UniMAP dan pelajar Universiti Utara Malaysia. Selepas tarian tradisional, program diteruskan dengan tarian moden dan diakhiri dengan sketsa yang disampaikan oleh pelajar UniMAP.

